



შიდა ქართლის რწმუნებულმა ხაშურის მუნიციპალიტეტში სამუშაო შეხვედრა გამართა

შიდა ქართლის სახელმწიფო რწმუნებული ვალერიან მჭედლიძე ხაშურის მუნიციპალიტეტის მერიისა და საკრებულოს წარმომადგენლებს შეხვდა. სამუშაო შეხვედრაზე დეტალურად განიხილეს მუნიციპალიტეტისათვის პრიორიტეტული საკითხები. ასევე, შეკრებილებმა სამხარეო ადმინისტრაციისა და ადგილობრივი თვითმმართველობის კოორდინირებული მუშაობის მნიშვნელობაზეც გაამახვილეს ყურადღება, ამავდროულად, ისაუბრეს ისეთ საკითხებზეც, რომელთა განხორციელებაც ხელს შეუწყობს ხაშურის მუნიციპალიტეტის სოციალურ და ეკონომიკურ განვითარებას. რწმუნებულის თქმით, მსგავსი სახის შეხვედრა ერთჯერადი არ არის და სამომავლოდაც მოეწეობა.



ტატო გრიგალაშვილი მსოფლიოს ვიცე ჩემპიონია

ძიუდოში, უნგრეთის დედაქალაქში გამართულ მსოფლიო ჩემპიონატზე, ჩვენმა თანაქალაქელმა ტატო გრიგალაშვილმა ვერცხლის მედალი მოიპოვა. ტატო შესანიშნავ ფორმაშია და იმედია, ერთ თვეში, ოლიმპიური თამაშებიდანაც არ დაგვიბრუნდება ხელცარიელი. ვულოცავთ შესანიშნავ მოჭიდავეს ამ წარმატებას და დიდი იმედით ვუცდით ოლიმპიადას.

- კოვიდ -19 -

მასიური ვაქცინაცია ჩვენს მუნიციპალიტეტში ივლისიდან იწყება

მას შემდეგ, რაც მსოფლიომ კოვიდ 19-ის პანდემიასთან ბრძოლის ახალი ინსტრუმენტი – ვაქცინა მოიპოვა, ბევრმა ქვეყანამ მოსახლეობის აცრა აქტიურად დაიწყო. საქართველოც ემზადება მასობრივი ვაქცინაციისთვის და საზოგადოებაშიც ბევრი კითხვა დაგროვდა: მთავარ კითხვას პასუხი მსოფლიომ დიდი ხანია გასცა: ვაქცინა ინფექციური დაავადების თავიდან აცილების ერთ-ერთი ყველაზე ეფექტიანი ინსტრუმენტია განსაკუთრებით მაშინ, როცა კოვიდ 19-ის წინააღმდეგ, ჯერჯერობით, ვაქცინა ყველაზე საიმედო იარაღია (სახლში გამოკეტვისა და საზოგადოებისგან სრული თვითიზოლაციის მერე). სწორედ აცრები დაგვეხმარება, დავბრუნდეთ ცხოვრების ჩვეულ რიტმს, მოვეფეროთ შვილებს, შვილიშვილებს და ხელი ჩამოვართვათ მეგობრებსა და ახლობლებს, დავიბრუნოთ ჩვეული სოციალური თუ პროფესიული ცხოვრება და გავხსნათ - ალვადგინოთ ეკონომიკა. ყოველივე ამას, სულ მცირე, მოზრდილი მოსახლეობის 60%-ის აცრა სჭირდება.

3 ივნისს, დაავადებათა კონტროლის ეროვნული ცენტრის მიერ, ხაშურში, მუნიციპალიტეტის სოფლის ამბულატორიების ექიმებთან ტრენინგი ჩატარდა ქვეყანაში მოახლოებულ მასობრივ იმუნოზაციასთან დაკავშირებით. მონაწილეებს, მასობრივი იმუნოზაციის შესახებ, ინფორმაცია მიაწოდა და დეტალები გააცნო დაავადებათა კონტროლის ეროვნული ცენტრის წარმომადგენელმა თეონა ქაშიბაძემ.

– ტრენინგის თემა იყო სოფლად მოსახლეობის ვაქცინაცია. როგორც მოგესვენებათ, ივლისიდან ქვეყანაში მასიურად შემოდის თითქმის ყველა სახის ვაქცინა: „სინოფარმი“, „სინოვაკი“, „ასტრაზენეკა“, „ფაიზერი“ და უკვე დაიგეგმა, რომ დაიწყება ივლისიდან მოსახლეობის მასიური ვაქცინაცია. ამიტომ, გაფართოვდება არეალი და თითქმის ყველა ამბულატორიაში მოხდება ვაქცინაცია, - განაცხადა ხაშურის მუნიციპალიტეტის საზოგადოებრივი ჯანდაცვის ცენტრის დირექტორმა დავით ჩიქოვანმა.

– როგორ ხვდებიან სოფლის ექიმები მასობრივ ვაქცინაციას? აქვთ თუ არა შესაბამისი მზაობა პროცესის დაწყებისათვის?

– ყველაექიმი მზად არის იმუნოზაციისათვის. ფაქტობრივად, ისინი უკვე ჩართულნი არიან ვაქცინაციის პროცესში, როდესაც ახორციელებენ 0 - დან 15 - წლამდე სოფლად მცხოვრები ბავშვების გეგმიურ იმუნოზაციას. ასე, რომ იმუნოზაციის დეტალები ყველასათვის ცნობილია. აღნიშნულ ტრენინგზე ექიმები გაეცნენ მასობრივი ვაქცინაციისათვის განკუთვნილ პროტოკოლს, რეკომენდაციებს. არის შესაბამისი ბაზები, ამბულატორიები, სადაც მოხდება ვაქცინაციის შემდგომ დაყოვნება, დაკვირვება. როგორც საზოგადოებრივი



ჯანდაცვის ცენტრის დირექტორთან, დავით ჩიქოვანთან საუბრისას ირკვევა, ხაშურში, ამ დროისათვის, ვაქცინირებულ პირთა მაჩვენებელი საგრძნობლად გაზრდილია. ყოველდღიურად 40 - დან 60 პირამდე იცრება ძირითადად სამი სახის ვაქცინით: „სინოვაკით“, „სინოფარმითა“ და „ასტრაზენეკათი“. ხაშურში „სინოვაკით“ ვაქცინაციის პირველი ეტაპი 7 ივნისს დასრულდა. მიმდინარეობს „ასტრაზენეკათი“ ვაქცინაციის როგორც პირველი, ისე მეორე ეტაპი. სტატისტიკას თუ გადავხედავთ, ხაშურში დღემდე ვაქცინირებულია თითქმის 1000-მდე პირი, მეორადი ვაქცინაცია კი 200-მდე პირთან განხორციელდა.

– მასიური ვაქცინაციისას რომელ ვაქცინებს შესთავაზებთ მოსახლეობას?

– ალბათ ისევ ეს სამი გვექნება, „სინოვაკი“, „სინოფარმი“ და „ასტრაზენეკა“. რაც შეეხება „ფაიზერს“, დაგეგმილია მილიონი დოზის საქართველოში შემოტანა, თუმცა „ფაიზერი“ როგორ გადანაწილდება ქვეყნის მასშტაბით, ეს ამ ეტაპზე უცნობია, ვაქცინის შენახვისათვის საჭირო შესაბამისი პირობებიდან გამომდინარე. შესაძლოა, ჩვენც შევძლოთ აღნიშნული ვაქცინის შესანახი მაცივრის ფლობა და შესაბამისად, მისით მოსახლეობის ვაქცინაცია.

– ბატონო დავით, რაც შეეხება ვაქცინაციის შემდგომ გართულებებს...

– თითქმის სამი თვეა მიმდინარეობს ხაშურში ვაქცინაცია და ადგილზე არ ყოფილა არც ერთი ალერგიული რეაქცია. დაფიქსირდა კოვიდ აცრის თანმდევი გართულებების რამდენიმე შემთხვევა, თუმცა, ეს ორგანიზმის სხეულში უცხო ცილის შეყვანის შემდეგ, ბუნებრივი რეაქციაა და სერიოზული სახის გართულებები არ მოჰყოლია.

– კიდევ ერთხელ შევახსენოთ მოსახლეობას ვაქცინაციის მნიშვნელობის შესახებ...

– დღეისათვის, თუ ჩვენ არ დავიცავით მსოფლიო ჯანდაცვის ორგანიზაციისა და დაავადებათა კონტროლის ეროვნული ცენტრის მიერ მოწოდებული რეკომენდაციები, ვერ დავამარცხებთ პანდემიას, ამისათვის მთავარი და მნიშვნელოვანია ვაქცინაცია. მეორე აუცილებელი პირობა პანდემიასთან ბრძოლისას არის დისტანციის დაცვა და პირბადის ტარება განსაკუთრებით დახურულ სივრცეებში. მით უფრო, რომ ხაშურშიც გვაქვს შემთხვევები პირველი აცრის შემდგომი დაინფიცირების, უფრო მეტად ახლო კონტაქტის შედეგად. ამიტომ ოქროს წესი - პირბადის ტარება და დისტანციის დაცვა, კვლავაც აქტუალურია. ვუსურვებ ჯანმრთელობას ჩვენი ქალაქის მოსახლეობას!

ხაშურში კოვიდ პანდემიის შესამე ტალღა დადმავალია. მუნიციპალიტეტში ყოველდღიურად 7-8 შემთხვევა ფიქსირდება. ამ დროისათვის დაკეტილია ხაშურის #6 საბავშვო ბაღი. წერტილოვანი მუზღუდვებია ქალაქის რამდენიმე სკოლაში. გაზრდილია გამოჯანმრთელებულ პირთა მაჩვენებელიც. გასულ დღეს გამოჯანმრთელდა 15 პაციენტი. ინფიცირებულთა აქტიური შემთხვევები 75-ია, მათ შორის ბინაზე მკურნალობას გადის 53. დღემდე 2800 კოვიდ ინფიცირებული ჰყავს ხაშურის მუნიციპალიტეტს. ვირუსით გარდაცვლილია 47 ადამიანი.

თეა ახალკაცი

სკოლის მოსწავლეები გენდერული თანასწორობის საკითხებზე მსჯელობენ

ხაშურის მუნიციპალიტეტის გენდერული თანასწორობის საბჭოს წევრი ნინო სუხიაშვილი წმინდა დიმიტრი ყიფიანის სახელობის სკოლის მეათე კლასის მოსწავლეებს გენდერული თანასწორობის საკითხებზე ესაუბრა.



შეხვედრაზე იმსჯელეს საზოგადოების როლზე გენდერული თანასწორობის ხელშეწყობის საქმეში. განიხილეს გენდერული თანასწორობისა და სამართლიანობის ხელშეწყობის საკანონმდებლო მექანიზმები, ისაუბრეს სასამართლო პრევენციულ ტექნიკებზე ცნობილი მოსამართლე რუთ ბეიდერ გინსბურგის სასამართლო პრაქტიკიდან.

შეხვედრა ოვიდ-19-თან დაკავშირებული რეგულაციების დაცვით, სკოლის სამოქალაქო განათლების პედაგოგის, ნინო კინაძის ინიციატივით ჩატარდა.

რუსაანთუბანში ბეტონის გზის მოწყობის სამუშაოები მიმდინარეობს

პროექტის განხორციელების შედეგად სოფლად მცხოვრები მოქალაქეების გადაადგილების პირობები მნიშვნელოვნად გაუმჯობესდება.

გზის მოწყობის სამუშაოების ღირებულება 818 348 ლარია. პროექტი საქართველოს რეგიონებში განსახორციელებელი



ფონდისა და ადგილობრივი ბიუჯეტის თანადაფინანსებით ხორციელდება.

სამუშაოებს ტენდერში გამარჯვებული კომპანია „ჰედევ ჯორჯია“ ასრულებს.

- მუსიკალური ფესტივალი -

ხაშურის სამუსიკო სკოლის მოსწავლეთა წარმაცვა

ამ დღეებში, თბილისში, მუშტაიდის ბაღში, გაიმართა ფესტივალ „მომავლის ვარსკვლავების“ გალა კონცერტი. სადაც მონაწილეობა მიიღეს ხაშურის სამუსიკო სკოლის მოსწავლეებმა: საფორტეპიანო განყოფილება – სანდრო კაპანაძე მეხუთე კლასი, პედაგოგი: მაია მურადაშვილი. სანდრომ გაიმარჯვა ნომინაციაში: ჯაზური კომპოზიციის საუკეთესო ინტერპრეტაცია და დაჯილდოვდა მედლით და დიპლომით.

მეორე მონაწილე – თეკლა კაპანაძე მეოთხე კლასი, პედაგოგი: ფატი სადადაშვილი, კონცერტმაისტერი - თამაზ აბრამიძე. მიენიჭა ლაურეატის წოდება.

სამუსიკო სკოლა ულოცავს ჩვენს პედაგოგებსა და მათ მოსწავლეებს ამ დიდ წარმატებას! ამ რთულ პერიოდში ეს განსაკუთრებით აღსანიშნავია.



ვეტერანებისათვის საქველმოქმედო სამედიცინო აქცია - საშური

ვეტერანების საქმეთა სახელმწიფო სამსახურის ორგანიზებით, საშურის მუნიციპალიტეტში მცხოვრები ომისა და თავდაცვის ძალების ვეტერანებისა და მათი ოჯახის წევრებისათვის, აკადემიკოს გ. ჩაფიძის სახელობის გადაუდებელი კარდიოლოგიის ცენტრის ექიმებმა, ურთიერთთანამშრომლობის მემორანდუმის



ფარგლებში, კარდიოლოგიური პროფილის უფასო გამოკვლევები (ექიმი-კარდიოლოგის კონსულტაცია, ელექტროკარდიოგრაფია, გულის ექოსკოპია, ლაბორატორიული კვლევები) ჩაატარეს.

კვალიფიციური სამედიცინო მომსახურება უსასყიდლოდ გაეწია სამსახურის 91 ბენეფიციარს. განხორციელდა 400-მდე ვიზიტი. აღსანიშნავია, რომ საქველმოქმედო სამედიცინო აქციით, ისარგებლეს არა მხოლოდ ომისა და თავდაცვის ძალების ვეტერანებმა და მათმა ოჯახის წევრებმა, არამედ ადგილობრივმა მოსახლეობამაც.

აქციის მიმდინარეობას, ადგილზე დაესწრნენ ვეტერანების საქმეთა სახელმწიფო სამსახურის დირექტორი, გენერალ-მაიორი კობა

კობალაძე, დირექტორის მოადგილე, ჯანდრი უბირია, სამსახურის რეგიონული მართვის დეპარტამენტის შიდა ქართლის სამმართველოს უფროსი ზვიად საბაშვილი, საშურის მერიის წარმომადგენლები.



ურთიერთთანამშრომლობის მემორანდუმში, ვეტერანების საქმეთა სახელმწიფო სამსახურსა და აკადემიკოს გ.ჩაფიძის სახელობის გადაუდებელი კარდიოლოგიის ცენტრს შორის, 2017 წლის აპრილში გაფორმდა და ყოველწლიურად განახლდება. მემორანდუმის ფარგლებში, ვეტერანებისა და მათი ოჯახის წევრებისათვის, საქველმოქმედო სამედიცინო აქციები, მთელი საქართველოს მასშტაბით, პერმანენტულად იმართებოდა. მემორანდუმის გაფორმებიდან დღეის ჩათვლით, ვეტერანების საქმეთა სახელმწიფო სამსახურის ორგანიზებით, აკადემიკოს გ.ჩაფიძის სახელობის გადაუდებელი კარდიოლოგიის ცენტრის ექიმებმა 113-ე საქველმოქმედო სამედიცინო აქცია ჩაატარეს; უფასო სამედიცინო მომსახურება გაეწია 10 611 ბენეფიციარს.

მემორანდუმის ფარგლებში, ვეტერანებისა და მათი ოჯახის წევრებისათვის, საქველმოქმედო სამედიცინო აქციები კვლავ ჩატარდება, რომელთა შესახებ ინფორმაცია, ვეტერანებს, წინასწარ მიეწოდებათ.

დასუფთავდა სურამის საფეხბურთო სტადიონი

მუნიციპალიტეტის მერიის კულტურის, განათლების, სპორტისა და ახალგაზრდულ საქმეთა სამსახურის ინიციატივითა და სასპორტო სკოლისა და ა(ა)იპ „საშურსერვისის“ თანადგომით, ამ დღეებში, სურამის საფეხბურთო სტადიონი დასუფთავდა. უნდა აღინიშნოს, რომ სურამის სარაგბო გუნდის - „მგლები“ და მათი მწვრთნელის მონდომებით, ბოლო წლებში, სტადიონს მნიშვნელოვნად დაეტყობო ხელი, თუმცა იგი მაინც მოითხოვდა ჩარევას და ასეც მოხდა. ერთობლივი ძალისხმევით მთლიანად გაიწმინდა ტრიბუნები და სტადიონის უშუალო შემოგარენი, მოწესრიგდა ინფრასტრუქტურა. საზაფხულო საკურორტო სეზონი, ფაქტობრივად, უკვე დაიწყო და აღნიშნული სტადიონი, როგორც ყოველთვის, ბევრ დამსვენებელს თუ სპორტსმენს უმასპინძლებს, რომლებიც აქტიურ დასვენებას ფიზიკურ ვარჯიშებს უთავსებენ. იმედია, დასუფთავებული და მოვლილი სტადიონი მათ რიცხვს კიდევ უფრო მკვეთრად გაზრდის.



5 ივნისს, გარემოს დაცვის მსოფლიო დღესთან დაკავშირებით, საშურის მუნიციპალიტეტში დასუფთავების აქცია მოეწყო

საყოფაცხოვრებო ნარჩენებისგან გაიწმინდა ე.წ. ზემო სერის მიმდებარე ტერიტორია.

მსოფლიო პანდემიის გათვალისწინებით, კამპანია მცირე ჯგუფის მონაწილეობით ჩატარდა. საშურის მუნიციპალიტეტის მერიის ორგანიზებით გამართულ აქციაში, მერის მოვალეობის შემსრულებელი ზვიად ქურდაძე და მერიის თანამშრომლები იყვნენ ჩართულები.



გარემოს დაცვის დღის აღნიშვნა მიზნად ისახავს, ბუნების მიმართ, ადამიანთა პასუხისმგებლობის გაცნობიერებას და გარემოს მდგრადი განვითარების ხელშეწყობას.

საშურის მუნიციპალიტეტის მერია მოუწოდებს მოსახლეობას, გაუფრთხილდნენ გარემოს, რაც საკუთარი და მომავალი თაობების ჯანმრთელობის საწინდარია!



(გაგრძელება. დასაწყისი იხ. „ბმ“ #21,22,23,24,25,26,27,28,29 2020 წ. 2021 წ. #1,2,3,4,5,6,7,8,9,10,11,12,13,14,15,16)

1898 წლის 19 ივლისს ნ. გალუსტოვის ხელმძღვანელობით, დაიდგა ა. ცაგარელის კომედია „ციმბირელი“, რომელშიც თბილისიდან მოწვეული მსახიობებიც მონაწილეობდნენ. ...წარმოდგენამ საზოგადოებრივად დააზარადა და საზოგადოებრივად დააზარადა და დაეწრო. მოთამაშეებმა მიუხედავად იმისა, რომ რეპერტიუმი არ ჰქონდათ, თავიანთი როლები კარგად შეასრულეს. მეტად კარგად შეასრულა თავისი როლი ბ-მა გალუსტოვამ (მახუჩიანი). მ. ხარისხიანად კარგად დაეხმარა უსამართლოდ დატანჯული იოვანე (ციმბირელი) და საზოგადოებას სიბრალულის ცრემლები აღვრევინა. სამაგიეროდ საზოგადოება გააცინეს და გაამხიარულეს თავიანთი მოხდენილი თამაშით ბატონებმა გიორგიამ (სტეფანე მაკრინი) და ხიმშიაშვილმა (კავკაზელი პეტუა). ქალებსაც არა უშავდათ რა, განსაკუთრებით კარგად ითამაშა ქალბატონმა შავლიევამ (მაშო)."

იმავე წლის 26 ივლისს, სცენისმოყვარეებმა წარმოადგინეს ა. მოხუბარიძის (ვახუშტი) დრამა „არსენა“ და ვოდევილი „ცოლი ორი დღით“.

გაზეთ „ცნობის ფურცელი“ საერთო შეფასება ასეთია: „ჩვენ ხაშურში ძალიან ხშირად ხდება ზაფხულობით წარმოდგენა, მაგრამ ეს წარმოდგენა მითაა საყურადღებო, რომ მონაწილეობას იღებენ ახალგაზრდები სცენის მოყვარულობით და მოყვანისადმი გულშემატკივრობით გატაცებულნი. წარმოდგენა საქველმოქმედო აზრით იყო გამართული. მონაწილეობას იღებდნენ თითქმის სულ სტუდენტები და საპატიო ქალები, რის გამოც... ბევრი ხალხი მიიზიდა წარმოდგენამ“.

„არსენაში“ გარსევანის როლი „დიდი ხელოვნებით შეასრულა“ აღნათაძემ, იორამს თამაშობდა ლორთქიფანიძე. „იორამი ეს დინჯი, დარბაისელი მოხუცი ქართლელი უნდა ყოფილიყო მიხვრა-მოხვრით, ლაპარაკით, კილოთი. ბ. ლორთქიფანიძემ უფრო იმერული ტიპი დაგვიხატა“ – წერს რეცენზენტი.

არსენას როლი „მშვენივრად შეასრულა“ მაღალაშვილმა, თუმცა ცოტა დინჯად რომ ელაპარაკა და არ ეჩქარა უფრო სასურველად ჩაატარებდა თავის როლს“. რეცენზენტი მ. ლიხელი (მურვანიშვილი) იმაზეც მიუთითებს, რომ „არსენობას ძალიან შეუშალა ხელი მაღალაშვილის იმერულმა ჩაცმულობამ“.

არსენას ნათლიამის – პეტრეს როლს ასრულებდა გაბაშვილი. „პეტრეს როლში, – წერს მ. ლიხელი (მურვანიშვილი), – თვალსაჩინო ის ადგილია, სადაც ის ფულგებზე, სიმდიდრეზე და აფიცირობაზე პფიქრობს, რომელი დაპირებისამებრ მოელის მას არსენას მოკვლისათვის და ნათელ-მირონობა კი აყენებს, ეს ადგილია კვანძი, დედა – ძარღვი მთელ პეტრეს როლში და მაშასადამე ამ ადგილს შეუძლია მთელი ამაგი მოთამაშისა კიდევ გააფუჭოს და კიდევ გააკეთოს. გაბაშვილმა კი ეს ადგილი კარგად ასრულა. მხოლოდ ცოტა კიდევ რომ მიემატებინა გრძობა ამ ადგილისათვის საუცხოვო იქნებოდა. სამაგიეროდ არსენას მოკვლის წინ სულის ბრძოლა ხელოვნურად ასრულა“.

მოურავის როლს ხიდრბეგიშვილი თამაშობდა. „ზაქარია მოურავის ამსრულებელზე ის უნდა ვთქვათ, რომ მიხვრა-მოხვრა ნამდვილი გაიძვერა მოურავისა, გამოქნილი გლეხისა ჰქონდა. ზაქარიას როლის ამსრულებელი... კი ყველაასთან ერთხანად იქცეოდა – არსენასთანაც და გარსევანთანაც. ჩვენის ფიქრით, ზაქაროს ბუნება ორად იყოფა: გარსევანს რომ ფეხ-ქვეშ ეგება, როგორც უფროსს, არსენას უნდა მედიდურად, მკვახედ, ამაყად დახვედროდა“.

„დანარჩენებშიც საზოგადოდ კარგად ასრულეს თავიანთი როლები, ესევე უნდა ვთქვათ ქალბატონებს“ – აღნიშნავს მ. ლიხელი. ვოდევილი „ცოლი ორი დღით“ ...ძალიან კარგად ჩაატარეს, საუცხოოდ იყო ბ. გაბაშვილი მარდაშევის როლში, სიანხლით, ადვლებით, ბრაზიანობით. აგრეთვე მურვანიშვილი აკაკიეფიხის როლში, რომელმაც ძალიან კომიკურად შეასრულა თავისი როლი. ბ. მაღალაშვილსაც პეტროვიჩის როლში ხელოვნება და საქმის ცოდნა ეტყობოდა“.

5 აგვისტოს, ნ. გალუსტოვისა და ი. მჭედლიშვილის ხელმძღვანელობით, სცენისმოყვარეებმა გამართეს წარმოდგენა. ნაჩვენებია იქნა სამი ვოდევილი: ვ. გუნიას „დამბანა და რეკლავი“, „არც აქეთ, არც იქით“ და ა. ცაგარელის „ოინბაზა“.

„დამბანა და რეკლავი“ მშვენივრად ითამაშეს ბატონებმა გალუსტოვამ (ბლითიძე) და ი. მჭედლიშვილმა (ეხედაძე). მეორე ვოდევილში („არც აქეთ, არც იქით“), ...სადაც ტარასი მშურაძე უჩივია ქართველი აქტიორის ბედს და შიმშილს აცხადებს, ეს ადგილი ბ. გალუსტოვამ მშვენივრად დაგვიხატა, რამაც მაყურებელ საზოგადოებაში სიბრალულის ხმა გამოიწვია: „ვაი საცოდავი, ვაი საცოდავი“-ო. იორდანეს როლს ასრულებდა ბ. ბიბილაშვილი და კარგი იყო. ბატონ მ. წერეთელსაც არა უშავდა რა ჯორინაშვილის როლში“. ვოდევილი „ოინბაზა“ ძალიან კარგად ჩაატარეს, ჭინჭარაძის როლი ნიჭიერად შეასრულა ბატონმა ი. მჭედლიშვილმა, ტერ-ოპოპიანცის როლში ბატონი გალუსტოვი მშვენიერი იყო. სონას როლს თამაშობდა ქალბატონი გალუსტოვისა და კარგიც იყო. წარმოდგენას საზოგადოება ბლომად დაესწრო... ბატონები გალუსტოვი და მჭედლიშვილი ამ თვეში კიდევ გამართავენ რამდენიმე წარმოდგენას“.

9 აგვისტოს, ნ. გალუსტოვისა და ი. მჭედლიშვილის ადგილობრივი სცენისმოყვარეების დახმარებით კვლავ გამართეს წარმოდგენა. ამჯერად მაყურებელს უჩვენეს ზ. ანტონოვის ხუთმოქმედობის ტრაგედია „ქოროლი“... წარმოდგენამ, საზოგადოდ, კარგად ჩაიარა და ხალხიც ბლომად დაესწრო და ძალიან ნასიამოვნები დარჩა. წარმოდგენის გამშვენებას ხელს უწყობდა საგანგებოდ შეკერილი ოსმალური ტანისამოსი – წერს გაზეთი „ცნობის ფურცელი“.

წარმოდგენაში მონაწილეობდნენ ქალბატონები გალუსტოვისა და რჩეულოვისა, ბატონები ნ. გალუსტოვი, ი. მჭედლიშვილი, გელიკურაშვილი, ხრეთელი, მებურიშვილი, სარალიძე და სხვა.

„ხელოვნურად შეასრულეს თავიანთი როლები ბატონებმა გალუსტოვამ (ჯაფარ ფაშა და მოლა) და მჭედლიშვილმა (ქოროლი), აგრეთვე გვარიანად ითამაშეს ბატონებმა გელიკურაშვილმა (დაუმორჩილებელი) და ხრეთელმა (სულეიმანი). ქალებსაც სწორედ ნიჭიერად ითამაშეს. გულნარას როლს ასრულებდა ქ. გალუსტოვისა და ქიქინესას ქ. რჩეულოვისა. დანარჩენებსაც არა უშავდათ-რა“.

16 აგვისტოს, ნ. გალუსტოვის საბუნებისათვის გათვალისწინებული იყო ა. ცაგარელის „ხანუმა“ წარმოდგენა.

1899 წლის 29 მაისს, სცენისმოყვარეებმა სვეტიცხოვლის ტაძრის ფონდის სასარგებლოდ წარმოადგინეს გერისთავის „ძუნწი“ და გვუნიას „ხორვალობა“.

„წარმოდგენამ – წერდა გაზეთი „ივერიაში“ სტ. ნოზაძე, – მწყობრად და უნაკლოდ ჩაიარა. საზოგადოება ბლომად დაესწრო და კმაყოფილიც დარჩა“.

ადგილობრივ სცენისმოყვარეებთან ერთად, წარმოდგენაში მონაწილეობდნენ თბილისელი მსახიობები დ. რჩეულოვისა, ვაშაკიძისა, გელიკურაშვილი და ჯაფარიძე.

იგივე წარმოდგენაზე ნ. სიხარულიძე „ცნობის ფურცელში“ წერდა, რომ იგი იოსებ კვალიევის თაოსნობით გამართულა. „პირველმა პიესამ მშვენივრად ჩაიარა, მხოლოდ მეორეს კი ეტყობოდა ცოტა სისუსტე“ 296

27 ივლისს, ვ. აბაშიძის ხელმძღვანელობით წარმოდგენილი იქნა მისი ოთხმოქმედობიანი კომედია „ეხლანდელი სიყვარული“. „წარმოდგენას დიდადი ხალხი დასწრებია და შემოსავალიც კარგი ყოფილა“ – აღნიშნავდა გაზეთი „ცნობის ფურცელი“.

XIX საუკუნის 90-იანი წლების ბოლოს იმდროინდელი ქართული პერიოდული პრესა განსაკუთრებულ ყურადღებას აქცევდა ხაშურის სცენის მდგომარეობას და არაერთხელ მიუთითებდა მის სივიწროვეზე, რაც ბევრ უხერხულობას ქმნიდა წარმოდგენების გამართვისას. იგი ვერ აკმაყოფილებდა იმ გაზრდილ მოთხოვნებს, რასაც საზოგადოება უყენებდა თეატრალურ ცხოვრებას. ამასთან დაკავშირებით 1899 წლის 14 მაისს გაზეთ „ცნობის ფურცელში“ ნ. სიხარულიძე წერდა: „ამ სამი-ოთხი წლის წინათ, ხაშურში ბ. მათიაშვილის ბაღში გამართულ იქნა სცენა, რამაც ყველანი ძლიერ გაგვახარა, სცენის გამართვა იკისრა და შეასრულა კიდევ ნაკისრი საქმე პატივცემულმა ბ-ნმა ფანცულაიამ, ხოლო შარშანს აქეთ სცენამ იწყო ნგრევა, დეკორაციები მოშორდნენ ერთმანეთს, სახურავი დაღაბა, წვიმამ იწყო სვლა და სულ ჩამორეცხა კედლები, სცენა აღარაფერს არა ჰგავს და ამას ყურადღებას არავინ არ აქცევს“.

იგივე გაზეთი, 5 ივნისს, წერდა, რომ „...სცენა აგერ საცაა – ჩაინგრევა“. 23 მაისს, წარმოდგენის დროს „...კბილით ეჭირათ სული, სცენისმოყვარეებს“, რომ რაიმე გაუთვალისწინებელი ამბავი არ მომხდარიყო.

1898 წლის 15 აგვისტოსაც გაზეთი „ცნობის ფურცელი“ ზ. ანტონოვის „ქოროლის“ წარმოდგენის შესახებ როცა წერდა, შემდეგ აღნიშნავდა: „...როგორც ბევრჯერ შეგვინიშნავს ხოლმე, ახლაც მოთამაშეებს ხელს უშლიდა სცენის სივიწროვე და მოუწყობლობა“.

ეს, მითუმეტეს, რომ „აქ ყოველ ზაფხულობით თითქმის მუდამ შაბათ-კვირას იმართებოდა წარმოდგენები და ერთხელაც არ მოიფიქრეს, რომ სცენის სასარგებლოთაც გავმართოთ წარმოდგენაო და შევაკეთოთო. სწორედ კარგი იქნება, რომ აქაური სცენისმოყვარეები გამოიღვიძებდნენ და მოიფიქრებდნენ რამე წარმოდგენის გამართვას ერთ ხუთჯერ მაინც, ამ სცენის სასარგებლოთ... რომ სამუდამოდ არ მოისპოს ეს ერთადერთი ჩვენი განმავითარებელი და გასართობი სცენა და ქართული წარმოდგენები. იმედია, ბ-ნი ი. ფანცულაია მოწყაელე თვალთ გადმოგვხედავს და შეაკეთებინებს სცენას“.

ამის მიზეზით, ჟურნალ „კვალის“ ინფორმაციით, მთელი 1900 წლის მანძილზე ხაშურში რაიმე თეატრალური წარმოდგენა არ გამართულა. „ჩვენი დაბა, – წერდა ჟურნალში კორესპონდენტის აგტორი, – აგერ ერთ წელზე მეტია, რაც მოკლებული იყო ქართულ წარმოდგენებს სცენის უქონლობის გამო, თუმცა რკინის გზის კლუბში მოიპოვება სცენა, მაგრამ იმას ხომ ხალხისთვის არ სცაღია“.

წარმოდგენების გამართვა მხოლოდ 1901 წლიდან გამხდარა შესაძლებელი. ამჯერად ხაშურის თეატრალურ ცხოვრებას სათავეში ჩაუდგა ინჟინერი კონსტანტინე ძნელაძე, რომელმაც დიდი ამაგი დასდო არა მარტო თეატრს, არამედ საერთოდ კულტურას და სახალხო განათლებას ხაშურში. მან თავის საკუთარ შენობაში მოაწყო სცენა, რამაც ხაშურელ სცენისმოყვარეებს კვლავ მისცა შესაძლებლობა, სისტემატიური ხასიათი მიეცათ წარმოდგენებისათვის.

14 ივლისს წარმოდგენა საქველმოქმედო ხასიათისა იყო და ხარკოვის უნივერსიტეტის ქართველ სტუდენტთა დახმარებას ითვალისწინებდა მიზნად. სცენისმოყვარეებმა წარმოადგინეს რუსულად „Теша в доме – все вверх дном“, ქართულად „ცოლი ქმრის წინააღმდეგ“ და „ადვოკატი მელაძე“. წაკითხული იქნა რუსულად „შემღილის წერილები“. წარმოდგენას კარგად ჩაუვლია და ხალხიც საკმაოდ დასწრებია. „რუსულ ვოდევილში კარგად ჩაატარეს თავიანთი როლები ქ. კვალიევისამ და ბ. მაჭარაშვილმა, ქართულში ქ. პავლოვმა, მურმანიშვილმა, მაჭარაშვილმა და ნოზაძემ“.

XIX-XX საუკუნეების მიჯნაზე ხაშურში თეატრალური ცხოვრების შესახებ საინტერესო მოგონებები დაგვიტოვა ცნობილმა თეატრალმა, ხელოვნების დამსახურებულმა მოღვაწემ დედე ძნელაძემ, რომელიც შემდეგ, 10-იან წლებში, თავადაც გამოდიოდა ხაშურის სცენაზე. იგი ერთგვარი იუმორითაც იხსენებს თავის პირველ თეატრალურ შთაბეჭდილებებს, იმ კურიოზებს, რაც მასთან იყო დაკავშირებული.

„ხაშურის დრამატული წრის წარმოდგენები, – წერს დ. ძნელაძე, – ჯერ კიდევ ჩემი ბავშვობიდან – მეცხრამეტე საუკუნის მიწურულიდან (1898-99 წწ) მახსოვს. პირველი წარმოდგენა ვნახე ტელიაფუხის ბაღის ევროპულად „როტონდაში“. ეს იყო პატარა, მაგრამ მოხდენილი სათეატრო ხის შენობა თავის სცენითა და მაყურებელთა დარბაზით. მხოლოდ ამ დარბაზს გვერდების კედლები მთლიანად არ ქონდა ამოშენებული, ისინი წარმოადგენდნენ არქიტექტურულად ლამაზად გაფორმებულ მაღალ ხარისხებს, საიდანაც თავისუფლად შეიძლებოდა წარმოდგენების ყურება. ჰოდა, აი, სწორედ აქედან, ხეების ტოტებზე შემომსხდარი ვუცქერდით ბავშვების უმრავლესობა წარმოდგენებს.“

ჩვენ ბავშვები, თითქმის ყველა ხომ უფასო მაყურებლები ვიყავით, ამიტომ ბაღში საკუთარი, საგანგებო უფასო შემოსავლები გვეკონდა. ტელიაფუხს, ხაშურში გადმოხვეწილ გერმანელს, თავისი ბაღი გაეშენებინა პატარა მდინარის „სურამულა“-ს /ფრონეს/ ნაპირზე, ისე რომ ბაღი მდინარის ნაპირიდან შემოღობვას არ საჭიროებდა. მდინარე ბუნებრივ ზღუდეს წარმოადგენდა. ჩვენთვის, ბავშვებისათვის, ბაღის სწორედ ეს მხარე იყო ადვილი მისადგომი. წარმოდგენის საღამოს, შებინდებოდა თუ არა, მივადგებოდით მდინარის ჩვენთვის უკვე კარგად ცნობილ ფონს, გავიხდიდით ფეხსაცმელებს და ზედმეტ ტანსაცმელებს, ამოვიხრიდით მათ იღლიაში და დიდის ვაი-ვაგლახით გადავიდოდით მდინარის მეორე ნაპირზე ბაღში, აქ უკვე გამოვეწყობოდით ჩვენს „ფრაკ-სმოკინგებში“ და მივადგებოდით თეატრს. ერთი-ორჯერ ასეთი შემთხვევაც იყო, სწორედ იმ დროს, როცა უკვე გამზადებული ვიყავით „ფრაკ-სმოკინგებში“, გამოწყობილი წამოგვისწრო ბაღის დარაჯმა და მას ტყვედ რომ არ ჩავცვენოდით ხელში, ეს სათეატროდ გამოკაზმული „კავალრები“, გადავცვივდით მდინარეში და ერთი შეხედვით და დრიანცვლით მივადწვიეთ სამშვიდობო ნაპირს. ისე – კი, დანარჩენ შემთხვევებში, წარმოდგენების მუდმივი მაცქერაღნი ვიყავით. მე განვებ ვინმარე სიტყვა „მაცქერაღნი“, რადგან ჩვენ – ბავშვები მართლაც რომ წარმოდგენას კი არ ვისმენდით, არამედ მას ვუცქერდით, როგორც სანახაობას. კარგად მახსოვს მაგალითად ხმლებისა და ხანჯლების ტრიალი, ფანჯარაში შემოდრომა, ერთი უცნაური კაცის კარადაში დამაღვა. მახსოვს ერთი ასეთი კურიოზი: სცენაზე შეიქმნა ხანჯლებითა და ხმლებით ორთა ბრძოლა, შემდეგ, როგორც მოსალოდნელი იყო, ერთმა, ვითომდა, – მეორე მოკლა, ამ დროს იქვე, ჩვენს ახლო, ერთმა ბავშვმა, რომელიც თავის დედის გვერდით იჯდა და რომელიც საპატიო მაყურებელი იყო და არა ჩვენისთანა „ხაიჩიკი“, ვინაიდან იმ საღამოს იმის მამა წარმოდგენაში მონაწილეობდა, საშინელი დრიანი შექმნა „ვაი-მე, დედა!... მამა მოკლეს“-ო. დარბაზში ატყდა საშინელი ხარხარი და დრიანცვლი. იმ საღამოს თეატრში, მე და ჩემს ამხანაგებს, ყველაზე მეტად ეს „სცენა“ მოგვეწონა. ის ბავშვი – კი ჩემი კარის მეზობელი და ჩემი ამხანაგი აღმოჩნდა, რომელსაც მეტსახელად „კურკას“ ეძახდნენ. ჩვენმა სიცილმა კი საღამოს კულმინაციას მიადწვია, მითუმეტეს როცა ერთი ვიღაც უცნაური კაცი დიდის დავი-დარაბით შეაძვრინეს კარადაში.

თ. ლაცაბიძე

(გაგრძელება იქნება)

- XXI საუკუნის თაობა -

მარიამ ბიბილური: ვარ ბუსცად იქ, სადაც მინდოდა, რომ ვყოფილიყავი და თავს ძაღიან კომფორტულად ვგრძნობ!

მარიამ ბიბილური, 20 წლის, დაიბადა ქალაქ ხაშურში, 2000 წელს, დაამთავრა ქ. ხაშურის დიმიტრი ყიფიანის სახელობის სკოლა - პანსიონი, სწავლა გააგრძელა ქ. თბილისში, თავისუფალ უნივერსიტეტში, სამართლის სკოლაში. ერთიანი ეროვნული გამოცდების ქულებით რეიტინგულად პირველ ადგილზე მყოფს, თავისუფალმა უნივერსიტეტმა მისი პირველი სასწავლო წელი სრულად დააფინანსა. შემდგომ წლებში კი 100 პროცენტით დაფინანსებით აგრძელებს უმაღლესი განათლების მიღებას. ამჟამად არის სამართლის სკოლის მესამე კურსის სტუდენტი.



სულ ახლახანს, იუსტიციის მინისტრმა სტუდენტური შეჯიბრის გამარჯვებულებს უმასპინძლა. რატი ბრეგვაძემ მომავალ იურისტებს სასწავლო სახელმძღვანელოები და სიმბოლური საჩუქრები გადასცა და მომავალ საქმიანობაში წარმატება უსურვა. იუსტიციის მინისტრმა ევროინტეგრაციის პროცესის მნიშვნელობაზე ისაუბრა და იმედი გამოთქვა, რომ მომავალი იურისტები აქტიურ მონაწილეობას მიიღებენ ევროკავშირთან საქართველოს დაახლოების საქმეში.

სტუდენტური შეჯიბრის გამარჯვებულთა შორისაა ხაშურელი მარიამ ბიბილური... მან ევროკავშირის სამართალში იმიტირებული სასამართლო პროცესების ინდივიდუალურად საუკეთესო გამომსვლელის ტიტული მოიპოვა.

ევროკავშირის სამართალში იმიტირებული სასამართლო პროცესები, იუსტიციის სამინისტროს ევროკავშირის სამართლის დეპარტამენტის ინიციატივით და იუსტიციის სასწავლო ცენტრის ხელშეწყობით, ყოველწლიურად იმართება. მისი მიზანი ევროინტეგრაციის პროცესისა და ევროკავშირის კანონმდებლობისადმი ინტერესის გაზრდა და იმ საქმიანობის პროპულარიაზაციაა, რასაც იუსტიციის სამინისტრო ეწევა ევროკავშირ-საქართველოს ასოცირების შესახებ შეთანხმების ფარგლებში. 2021 წელს, ევროკავშირის სამართალში იმიტირებული სასამართლო პროცესები ევროპის კვირეულის ფარგლებში გაიმართა.

საუკეთესო გამომსვლელის ტიტულის მფლობელი ინტერვიუზე სიამოვნებით დაგვთანხმდა და დეტალურად გვიამბო სტუდენტური შეჯიბრის შესახებ. მისი შეჯიბრში მონაწილეობა, დიდწილად, იმანაც განაპირობა, რომ



საკონკურსო თემატიკის სფერო საქართველოში, ფიქრობს, იმდენად განვითარებული და პოპულარული არ არის, როგორც უნდა იყოს.

- კონკურსი იყო საქართველოს მასშტაბით, მონაწილე შეიძლება ყოფილიყო ბაკალავრიატის ნებისმიერი სტუდენტი. პირველ ეტაპზე, წერილობითი დოკუმენტებით 53 გუნდიდან 8 გუნდი შეარჩიეს, რომელთა მონაწილეობითაც ჩატარდა მეოთხედფინალი, ნახევარფინალი და ფინალი. მოხდა ისე, რომ მერგო პრიზი ინდივიდუალური საუკეთესო მომხსენებლის სტატუსში. ინდივიდუალურად გამოსვლისას კონკურსანტებს გვაფასებდა სამი მოსამართლე. ფასდებოდა მსჯელობის უნარი, თუ რამდენად გვექონდა მოძიებულ საერთაშორისო კანონმდებლობა.

ასევე, ევროსასამართლოს გადაწყვეტილებები და ასე შემდეგ. სხვადასხვა კრიტერიუმების საფუძველზე, შეფასების შედეგად, უმაღლესი ქულები დავაგროვე და, შესაბამისად, საუკეთესო მომხსენებლის სტატუსიც მოვიპოვე. კონკურსი ქართულენოვანი იყო, მათ შორის წარდგენაც, საუბარიც. თუმცა, როგორც უკვე აღვნიშნე, ქართული არც ერთი დოკუმენტი არ იყო რელევანტური, რადგან არ არის ქართულ ენაზე თარგმნილი შესაბამისი ინგლისურენოვანი კანონმდებლობა.

- მარიამ, როგორ მოხვედი შეჯიბრში?
- 2 თვის უკან, მომივიდა შეტყობინება ელექტრონული ფოსტის მეშვეობით, რადგან წარსულშიც მქონდა იუსტიციის სასწავლო ცენტრთან თანამშრომლობის გამოცდილება, გავავაზენე წერილობითი დოკუმენტი,

რასაც წინ უძღოდა კონკურსის ორგანიზატორების მიერ გამართული ლექციები, რომ უფრო კარგად გავთვისინჯოთ უნივერსიტეტში და სადაც, 3 კვირის უკან ჩატარდა ნახევარფინალი და ფინალი.

კაზუსი, რომელიც მარიამს ერგო შეჯიბრისას: ორმა ორგანიზაციამ დაარეგისტრირა თავისი სასაქონლო ნიშანი, რომელიც ძალიან გავდა ერთმანეთს. განსხვავება იყო მხოლოდ და მხოლოდ სახელწოდების ერთ ასოში.

- უნდა გვემსჯელა რამდენად იყო აღრევის ალბათობა, რამდენად შეიძლებოდა შესულიყო მომხმარებელი შეცდომაში და ა. შ. შეიძლება ერთი შეხედვით ძალიან მარტივი ჩანდეს, მაგრამ, ევროკავშირის კანონმდებლობით, ძალიან ბევრი კრიტერიუმია თუ როდის შეიძლება იყოს სასაქონლო ნიშანი არაგანმასხვავებელ უნარიანი. დაცვის მხარეს უნდა ემტკიცებინა, რომ არ იყო დიდად მსგავსება და მომხმარებელი არ შევიდოდა შეცდომაში და მოპასუხე მხარეს უნდა ემტკიცებინა პირიქით. მთავარი სირთულეც იმაში მდგომარეობდა, რომ არ იცოდა რომელი მხარე შეგხვდება და ორივე პოზიციისთვის უნდა იყო მზად.

- თუ გვემთხვევა კიდევ მსგავს კონკურსებში მონაწილეობას მარიამ?

- პირველ რიგში აღვნიშნავ იმას, რომ იუსტიციის მინისტრთან შეხვედრისას, თავად მინისტრმაც ფართოდ ისაუბრა ევროკავშირთან პარტნიორობაზე და მის მნიშვნელობაზე და მოგვიწოდა, რომ უფრო ღრმად შევისწავლოთ ეს საკითხი და შემდგომ კონკურსებშიც მივიღოთ მონაწილეობა და ვფიქრობ, რომ აუცილებლად შევხვები კიდევ ამ თემას როგორც უნივერსიტეტის ფარგლებში, ისე მის მიღმაც და ვფიქრობ, მხოლოდ და მხოლოდ ამით არ დასრულდება ჩემი თანამშრომლობა ამ ორგანიზაციასთან. თუმცა, ამ ეტაპზე, კონკრეტული გეგმა არ მაქვს, მაგრამ ვფიქრობ, რომ ევროკავშირის კანონმდებლობა, ინტელექტუალურ საკუთრებასთან მიმართებით, უფრო სიღრმისეულად შესწავლას საჭიროებს და მინდა, ამ მხივ მეტი ინფორმაცია მოვიძიო...

- შენს სხვა კონკურსებში მონაწილეობის გამოცდილებაზეც მოგვიყვირე...

- ჩემთვის კონკურსებში მონაწილეობა აქტუალური გახდა მესამე კურსიდან, რადგან პირველ კურსზე თავისუფალ უნივერსიტეტში, როგორც მოგესხენებათ, ზოგადი საგნების შესწავლაა, მეორე კურსზე უკვე სამართლის ძირითადი საგნები შევისწავლე და მესამე კურსიდან უკვე დაიწყო პრაქტიკული საგნების დამუშავებაც, თეორიულ ცოდნასთან ერთად პრაქტიკული უნარების გამოქვეყნებაც... პირველი, ყველაზე მნიშვნელოვანი, შეჯიბრი და წარმატება ჩემთვის იყო „ახალგაზრდა იურისტთა ასოციაციის“ მიერ გამოცხადებული საკონსტიტუციო ოლიმპიადის საქართველოს მასშტაბით ბაკალავრიატისა და მაგისტრატურის სტუდენტებისთვის, კონკურსში გავიმარჯვე და პრიზად მერგო, ჩემს თანაკურსელთან ერთად, „საიაში“ სტაჟირობა. ეს იყო, ჩემი აზრით, ერთ-ერთი ყველაზე მნიშვნელოვანი წარმატება თავისუფალ უნივერსიტეტში სწავლის დაწყების შემდეგ.

მარიამ ბიბილური, ამ ეტაპზე, რამდენიმე არასამთავრობო ორგანიზაციაში გადის სტაჟირებას. „ახალგაზრდა იურისტთა ასოციაციასა“ და „ქართულ დემოკრატიულ ინიციატივაში“. ამ მიმართულებით განიხილავს სამართლის უზენაესობის პრობლემებს სასამართლო სისტემაში, სხვადასხვა კონსტიტუციასთან შეუსაბამო ნორმებს და ა. შ. სტაჟირებას დაასრულებს და ფიქრობს, რომ საკუთარ ძალებს მოსინჯავს სამოქალაქო სამართლის მიმართულებით, რათა საბოლოოდ დარწმუნდეს მომავალში რა მიმართულებით განაგრძობს პროფესიულ საქმიანობას. ამბობს, რომ თავისუფალი დრო თითქმის არ აქვს, მაგრამ მისთვის მეგობრებთან ურთიერთობით განტვირთვა შეუძლებელია.

- სიმართლე გითხრათ, ამ ბოლო დროს ჩემმა უნივერსიტეტმა იმდენად წაიღო ჩემი ცხოვრების ძალიან მნიშვნელოვანი საათები, რომ ასე კონკრეტულად თავისუფალ დროს როგორ ვატარებ, ვეღარც ვისხენებ, მაგრამ, პირველ რიგში, არის ალბათ მეგობრებთან ერთად ინტეგრაცია, განტვირთვა. ასევე, ჩემი ცხოვრების უმნიშვნელოვანესი ნაწილი არის ცეკვა და როცა კი თავისუფალი დრო მაქვს, ჩემთვის რაღაცას ვცეკვავ... ახლაც, თქვენთან მოსვლაზე, ჩემს მშობლიურ ცეკვის სტუდიას ავუარე და ვცდილობ, გავისხენო ხოლმე ცეკვა, რომელსაც ჩემი ცხოვრების ათი წელი დავუკავშირე.

- მინდა, გკითხო: როგორ მოხვედი აქამდე, რას ურჩევდი შენს თანატოლებს, რა არის შენეული ხედვა წარმატების მისაღწევად?

- ჩემი აზრით, გჭირდება კონკრეტული უნარ-ჩვევები, პასუხისმგებლობის გრძნობა, მაგრამ მაინც მთავარი არის ის საძირკველი და საფუძველი, რომელსაც გაძლევს სკოლა და ძალიან დიდი მადლობა ჩემს სკოლას ამისათვის. ვფიქრობ, რომ რომ არა სკოლაში გატარებული ის 12 წელი, დღეს მე ასეთ წარმატებას ვერ მივაღწევდი, გულწრფელად ვამბობ. ამ ეტაპზე ყველაზე მნიშვნელოვანი არის სწორი არჩევანი, ჩემი უნივერსიტეტი, რადგან თავისუფალი უნივერსიტეტი მაძლევს ისეთ გამოცდილებას, ისეთ ცოდნას, რომელსაც ვერცერთი უნივერსიტეტი ვერ მომცემდა და რომ არა ის სირთულეები, რაც უნივერსიტეტმა შემახვედრა, ალბათ ეს ყველაფერი ასე არ გამაიადვილებოდა!

წარმატებას ვუსურვებთ მარიამს!

ვლადიმერ ხაჩიძე: ჯანზე ვარ, მუშაობა არ მუშაობს და არც პენსიაზე ვაპირებ გასვლას. ბებიანები 117 წლისა გარდაიცვალა. ამას რომ შემახსენებენ ხოლმე, სიცილით ვამბობ - 30 წელი კიდევ რა უყურებს ფეხბურთს-მეთქი?! ას წლამდე უნდა იმუშაო... ხუმრობა იქით იყოს და, ფეხბურთი ჩემი ცხოვრებაა და ჩემს კარი-

ვლადიმერ (ვოვა) ხაჩიძე 70 წლისა გახდა. დღეს ის "რუსთავს" წვრთნის, მანამდე კი არაერთ ქართულ გუნდში უმუშავია. მწვრთნელი - თავისებური, ექსკლუზიური მიდგომებით, ვისაც საკუთარი ნიშა უჭირავს ქართულ საკლუბო ფეხბურთში და გასახსენებელიც ბევრი აქვს. თუნდაც ის რად ღირს, რომ პირველი ეროვნული ჩემპიონატიდანაა ჩაბმული სამწვრთნელო ფერხულში - მაშინ ხაჩიძე მშობლიური ქალაქის კლუბს, უმაღლესლიგელ ხაშურის "ივერიას" წვრთნიდა...

...რუსთავს რაც შეეხება, პრაქტიკულად, ყველაფრის დაწყება ნულიდან მოგვიხდა. საუკეთესო რუსთაველი ფეხბურთელები ჩვენი ქვეყნის სხვადასხვა კლუბებში ასპარეზობენ. ახალგაზრდა ბიჭები არიან, ვწვალდობთ და ვცდილობთ ყველანაირად, რომ ამ შრომას შედეგი მოჰყვეს. იმედი მაქვს, ყველაფერი კარგად იქნება...

...პირველ ეროვნულ ჩემპიონატში ხაშურის "ივერიას" ვწვრთნიდი. ის დრო დაუვიწყარია ჩემთვის. მახსოვს, ხაშურის სტადიონი რომ გაიხსნა, იმდენი ხალხი იყო, მე, მთავარი მწვრთნელი, გულშემატკივრებს შორის ვიდექი და ისე ვხელმძღვანელობდი გუნდს... ნემსი არ ჩავარდებოდა ტრიბუნებზე... მაგარი ჩემპიონატი გექონდა, ჯერ არაფერი იყო წასული საზღვარგარეთ და ყველა ჩვენი საუკეთესო ფეხბურთელი საქართველოს ჩემპიონატში თამაშობდა, მერე მაგარი ლეგიონერები ჩამოვიდნენ - ლიტველებიც, სხვებიც... სასწაულები ხდებოდა სოხუმში, გალში, ოჩამჩირეში, ლანჩხუთში...

...მაშინ ძალიან ახალგაზრდა ვიყავი. სად იყო ჩემი პიკი? ჩემპიონობა - "ვიტ ჯორჯიაში", ბორჯომშიც კარგი გუნდი მყავდა... მაგრამ ძირითადად სულ "მეხანძრე" ვიყავი. სადაც გუნდი იყო გადასარჩენი, იქ მეძახდნენ. მეც არსად და არასოდეს მითაკილია მუშაობა. მივდიოდი იქ, სადაც საჭირო ვიყავი...

...რაც შეეხება ჩემს განსაკუთრებულ მეთოდებს... თავიდან ჩვენ საზღვარგარეთ ვერ გავედიოდი. ყველა ლიცენზია საქართველოში ავიღე და პროლიცენზიაზე წავიდა უკრაინაში. იქ ბევრი რამ ვისწავლე. დღეს სულ ბურთიანაა მომზადება. ამავე დროს, ფეხბურთელი კარგად უნდა იყოს მომზადებული ფიზიკურად. ადრე რომ ამდენი მცოდნოდა, ალბათ სულ ჩემპიონი მეყოლებოდა გუნდი.

...ადარ მახსოვს ზუსტად, 1990 წელი იყო თუ 1991... ანატოლი მილჩენკოს უკრაინულ ფეხბურთში დიდი ავტორიტეტი ჰქონდა. მე ხაშურელი ვარ, ის ბორჯომელი იყო და ბავშვობიდან ვიცნობდით ერთმანეთს. მილჩენკომ ერთკვირიანი სტაჟირება გამიკეთა ვალერი ლობანოვსკისთან. ლობანოვსკი პრაქტიკულად არ გადიოდა ვარჯიშებზე, ასისტენტებს უწერდა ქალაქდზე და ისინი ასრულებდნენ მინდორზე. მისი ყველა ფეხბურთელი ძალიან ძლიერი იყო ფიზიკურად, მაგრად დარბობდნენ...

...გამორჩეული მიღწევები? "ვიტ ჯორჯიასთან" ერთად ჩემპიონობაზე უკვე ვთქვი, 6 წელი პირველი ლიგიდან უმაღლეს ლიგაში გადაიყვანა გუნდი. ისე მოხდა, რომ ბოლომდე დალაგებულ გუნდში არასოდეს მიმუშავია...

...ჩემთვის გამორჩეული მწვრთნელები? ხაბაროვსკის "სკა ენერჯიაში" ნიკოლაევთან ვიმუშავე, ძალიან მცოდნე მწვრთნელი იყო. ჩვენებიდან დავასახელებ ნოდარ ახალკაცს და გიგა ნორაკიძეს...

...ჯანზე ვარ, მუშაობა არ მუშაობს და არც პენსიაზე ვაპირებ გასვლას. ბებიანები 117 წლისა გარდაიცვალა. ამას რომ შემახსენებენ ხოლმე, სიცილით ვამბობ - 30 წელი კიდევ რა უყურებს ფეხბურთს-მეთქი?! ას წლამდე უნდა იმუშაო... ხუმრობა იქით იყოს და, ფეხბურთი ჩემი ცხოვრებაა და ჩემს კარი-



ერას რომ გადავხედავ, არც უკმაყოფილების საფუძველი მაქვს, ერთი ეგ არის, რომ დრო ძალიან სწრაფად გარბის..."

„ხაშურის მოამბის“ რედაქცია, თავის მრავალრიცხოვან მკითხველთან ერთად, ულოცავს ბატონ ვოვას იუბილეს და ამ შესანიშნავ პიროვნებას და პროფესიონალ მწვრთნელს ჯანმრთელობას და წარმატებებს უსურვებს.

დათო ტურაშვილის და გიორგი ლობჯანიძის ახალი წიგნების პრეზენტაცია - ხაშურში

6 ივნისს, ხაშურის მუნიციპალიტეტის მთავარ ბიბლიოთეკაში, მწვრთლის, გამომცემლობა „ინტელექტის“ და გამომცემლობა „არტანუჯის“ ხელმძღვანელის ზვიად კვარაცხელიას ინიციატივით ჩატარდა ქართველი მწვრთლის დათო ტურაშვილის წიგნის „ხაშურის სეველი“ და ქართველი პოეტის, მთარგმნელის გიორგი ლობჯანიძის ავტობიოგრაფიული რომანის „ჩემი ფანჯრებიდან“ წარდგინება.



ღონისძიებას ესწრებოდნენ მოსწავლეები, სტუდენტები, დაინტერესებული პირები, ასევე გიორგი ლობჯანიძის წიგნის რედაქტორი, ბატონი როსტომ ჩხეიძე. მისი მოსწავლეები, ქალბატონი ფატი კურტანიძე და თანაკლასელები, რომლებიც ასევე მისი წიგნის პერსონაჟები არიან.

წიგნების წარდგენის შემდეგ, ღონისძიება კითხვა-პასუხის რეჟიმში გაგრძელდა. დასმულ შეკითხვებზე ავტორებმა გულახდილად და ამომწურავად უპასუხეს და შეხვედრის ბოლოს ავტობიოგრაფიებიც უხვად დაარიგეს.

ხაშურის მუნიციპალიტეტის მერია და მუნიციპალიტეტის საკრებულო თანაუგრძნობენ განათლების რესურსცენტრის უფროსს ზვიად გოგუაძეს მამის
ალექსანდრე (ალიკა) გოგუაძის
გარდაცვალების გამო.

მუნიციპალიტეტის მერიის, განათლების, კულტურისა და სპორტის სამსახურის თანამშრომლები თანაუგრძნობენ განათლების რესურსცენტრის უფროსს ზვიად გოგუაძეს მამის
ალექსანდრე (ალიკა) გოგუაძის
გარდაცვალების გამო.

გაზეთის - „ხაშურის მოამბე“ - რედაქციის თანამშრომლები თანაუგრძნობენ განათლების რესურსცენტრის უფროსს ზვიად გოგუაძეს მამის
ალექსანდრე (ალიკა) გოგუაძის
გარდაცვალების გამო.

სურამის #3 საჯარო სკოლის პედკოლექტივი და ტექნიკური პერსონალი თანაუგრძნობენ განათლების რესურსცენტრის უფროსს ზვიად გოგუაძეს მამის
ალექსანდრე (ალიკა) გოგუაძის
გარდაცვალების გამო.

ბროლოსნის საჯარო სკოლის პედკოლექტივი და ტექნიკური პერსონალი თანაუგრძნობენ განათლების რესურსცენტრის უფროსს ზვიად გოგუაძეს მამის
ალექსანდრე (ალიკა) გოგუაძის
გარდაცვალების გამო.

D საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია, თავმჯდომარე - ინეზა ელისაშვილი სამძიმარს უცხადებს განათლების რესურსცენტრის უფროსს, ბატონ ზვიად გოგუაძეს, მამის
ალიკა გოგუაძის
გარდაცვალების გამო!

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე. მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში.